



Inatsisartunut ilaasortaq  
Justus Hansen  
Demokraatit

**Ineriartornikkut akorngutillit / inuit annertuumik innarluutillit qanigisaasa tarnip pisussaanut immikkut ilisimasalimmit ikiorneqartarnissat pillugu § 37 naapertorlugu apeqqummut nr 2017-100-mut akissut:**

Asasara Justus Hansen,

Ineriartornikkut akorngutillit / inuit annertuumik innarluutillit qanigisaasa tarnip pisussiinik immikkut ilisimasalimmit ikiorneqartarnissat pillugu apeqquinnut qjanaq. Akissutigataani allassimasuni takuneqarsinnaavoq.

**1. Ineriartornikkut akorngutillit / inuit annertuumik innarluutillit qanigisaasa pisortat akiligaannik tarnip pissusaanut immikkut ilisimasalimmit ikiorserneqartarnissaat qanoq periarfissaqarpa?**

Inummut innarluutilimmut qanigisaasut inatsisit atuuttut naapertorlugit tarnip pissusiinik immikkut ilisimasalimmit ikiorneqarnermut pisortanit akiliunneqarnissamut periarfissaqanngillat.

**2. Naalakkersuisut sulissutiginiarnerlugu Annertuumik innarluutillit ikiorserneqartarnerat pillugu Inatsisartut peqqussutaanut nr. 7-imut, 3. november 1994-meersumut allanguutissamik saqqummiussinissaminnut, ersarissumik allassimalersillugu, ineriartornikkut akorngutilimmut / inummut annertuumik innarluutilimmut qanigisaasut pisortat akiligaannik tarnip pissusaanut immikkut ilisimasalimmit ikiorneqarsinnaalissasut?**

Inuit innarluutillit tapersorsorneqarnissaannut Inatsisartut inatsisaattut nr. xx, xx. xxx 2018-meersumut siunnersuut tusarniaassutigalugu ulloq 16. juni 2017 nassiunneqarpoq, tusarniaarnermilu akissutit takkuttussat tiginissaat qilanaarivara. Tusarniaanermut akissuteqaatit siunnersuutillu tamarmik sukumiisumik misissorneqassapput - aamma inunmut innarluutilinnut qanigisaasunut pissutsinik samminnittut.

Inuit innarluutillit tapersorsorneqarnissaannut Inatsisartut inatsisaattut nr. xx, xx. xxx 2018-meersumut siunnersuummi aammattaaq qanigisaasunut ikiorsiisarneq tapersersuinerlu sammineqarput. Ilaatigut siunnersuutigineqarpoq, Sisimiuni Inunmut Innarluutilinnut Sullissivik nutaaq qanigisaasunut siunnersuisassasoq ilitsersuillunilu kiisalu qanigisaasunut pikkorissarnernik neqerooruteqartassalluni.

16-06-2017  
Suliap nr 2017 - 13685  
Takussutissiaq id. 5617701


Postboks 260  
3900 Nuuk  
Oqarasuaat (+299) 34 50 00  
Naqitanik nassitsigasuaat +299  
34 66 66  
Mail: iniiian@nanoq.gl  
www.naalakkersuisut.gl

**3. Ineriartornikkut akorngutilimmut / inummut annertuumik innarluutilimmut qanigisaasut pisortat akiligaannik tarnip pissusaanut immikkut ilisimasalimmit ikiorneqarsinnaalernissaat Naalackersuisut naliliinerat naapertorlugu qanormita akisutigissava? (Nalunngilara taamaallaat taggiisoqarsinnaasoq, taamaakkaluartorli tigussaasumik aningaasartaliisoqarnissaa/aningaasatigut sinaakkusiisoqarnissaa kissaatigaara).**

Inunnut innarluutilinnut qanigisaasut akornanni tarnip pissusiinik immikkut ilisimasalimmit ikiorneqarnissamut pisariaqartitsinerup annertussusia Naalackersuisut ilisimanngilaat, taamaattumillu neqeroorut taamaattoq qanoq aningaasartuuteqassanersoq erseqqissumik taassallugu tunngavissaqanngilagut.

Tarnip pissusiinik immikkut ilisimasalimmiinnermi akissarsianut aningaasartuutit nalunaaquttap akunneranut 520,00 koruunit missaanipput. Kisianni aamma allanik aningaasartuuteqassaaq soorlu aaqqissuussinerup taamaattup atuutilersinneranut allaffissornermut atatillugu.

Inussiarnersumik inuulluaqqusillunga  
Med venlig hilsen



Sara Olsvig, Isumaginninnermut, Ilaqutariinnermut, Naligiissitaanermut Inatsisinillu  
Atuutsitsinnermut Naalackersuisoq